



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Agenda, Sev Ritvale Osnabrvdense**

**Franz Wilhelm <Osnabrück, Bischof>**

**Coloniæ Agrippinæ**

De Processionibus.

**urn:nbn:de:hbz:466:1-41233**

D E

# PROCESSIONIBVS.



*Publicæ sacræque Processiones seu Supplicationes, quibus, ex antiquissimo SS. Patrum instituto, Catholica Ecclesia, vel ad excitandam fidelium pietatem, vel ad commemoranda Dei beneficia, eique gratias agendas, vel ad diuinum auxilium implorandum, uti consuevit, qua par est religione, celebrari debent: continent enim magna ac diuina mysteria: & salutare Christiane pietatis fructus, eas pie exequentes, à Deo consequuntur: de quibus fideles premonere & erudire, quo tempore magis opportunum fuerit, Parochorum officium est.*

*Videant in primis Sacerdotes, alique Ecclesiastici ordinis, ut in his Processionibus ea modestia ac reverentia, tum ab ipsis tum ab aliis, adhibeatur, quæ piis & religiosis huiusmodi actionibus maxime debetur.*

*Omnes decenti habitu, superpelliceis, vel aliis sacris vestibus, sine galeris, nisi pluvia cogente, induti, graviter, modeste, ac devote, bini suo loco procedentes, sacris precibus ita sint intenti, ut, remoto risu mutuoque colloquio & vago oculorum aspectu, populum etiam ad pie devoteque precandum invitent.*

*Laici à Clericis, femina à viris separata, orantes, prosequantur.*

*Præferatur Crux, & ubi fuerit consuetudo, vexillum, sacris Imaginibus insignitum, non tamen factum militari seu triangulari forma.*

*Edendi ac bibendi abusum, secumve esculenta & poculenta deferendi in sacris Processionibus, agrisque lustrandis, & suburbanis Ecclesiis visitandis, tollere Parochi studeant: ac fideles, præsertim die Dominica quæ proxime Rogationes antecedit, quam hæc dedecet corruptela, sæpius admoneant.*



Processiones prius fieri debent, deinde Missa solemniter celebrari: nisi aliter ob gravem causam interdum Ordinario vel Clero videatur.

Processiones autem quedam sunt ordinaria, quæ fiunt certis diebus per annum, ut in festo Purificationis Beatæ Mariæ semper Virginis, & in Dominica Palmarum, & in Litanis majoribus, in festo S. Marci, & in minoribus Rogationum, triduo ante Ascensionem Domini, & in die festo Corporis Christi, vel aliis diebus pro consuetudine Ecclesiarum.

Quadam verò sunt extraordinariæ, ut, quæ variis ac publicis Ecclesiæ de causis in dies indicuntur.

### De Processione in die Festo Purificationis Beatæ Mariæ semper Virginis.

**C**ompleta benedictione & distributione candelarum, ut in Missali Romano reformato; fit Processio. Et primo Celebrans imponit incensum in thuribulum: deinde Diaconus, vertens se ad populum, dicit:



Procedamus in pace. & Chorus respondet.



In nomine Christi, Amen.

Præ-